

百一山房詩集

百一山房詩集卷九目錄

奉

命總督四川簡鄂大司馬前藏

奉

命赴蜀和周肖濂見贈原韻

道中雜述六首

宿村舍

新都疾作

入川途次遇岱都統自新疆歸

奉

命駐打箭鑪籌辦徵調事宜

萬里橋是武侯送鄧芝使吳處

臨邛懷古

文君井

大渡

萬工坡是明藍玉征雲南所開道

夜渡平羌江

七縱河

二十四盤

清溪道中遇風

聞巴圖魯侍衛由青海入藏

檄諸土司屯番赴藏協勦

得鄂大司馬軍營書却寄

飛越嶺大霧

鐵索橋

頭道水道中瀑布甚奇

楊柳鋪作塞外柳枝詞

武侯祠

銅鼓

銅弩

郭將軍廟

除夕送惠瑤圃制軍赴藏參贊軍務

聞奎將軍

林奉

命赴藏參贊軍務詩以迎之

湯泉

魚通出口遇雨宿折多

過破碉行亂石中

自提茹至阿釐壩道中書所見

過東俄洛已六月矣積雪彌望是日遇雷雨

僕人以道險難行私有怨詞口號示之

道旁野燒沿及數里古松萬樹皆摧爲薪感賦  
途次盼軍營捷音

自東俄洛至臥龍石得詩八首

河口阻水

積雨連旬山水驟發自河口至麻蓋沖決幾不得  
路賦此紀事

雅龍江浮橋

駐裏塘

二郎灣道中度雪嶺數層

松林口

大雪山

巴塘

百一山房詩集卷九目錄

百一山房詩集卷九

仁和孫士毅補山

奉

命總督四川簡鄂大司馬前藏

武擔山色擁雙流又見三刀夢益州  
昨日牙璋馳笮馬有人銅鼓問旄牛  
感

恩自唱軍中樂垂老能爲劍外游  
去去籌邊樓下過烽臺無焰雨呼鳩

退直菟裘計未成機廷推轂促遄征  
暮年敢諱三遺矢節度誰懸九道兵  
風雨不埋諸葛鼓華夷終限灌嬰城



西羌萬里河源外慙媿尚書自請行

小隊材官盡寶刀受降猶未却征袍帳中湯沐金城險  
馬首山河玉壘高幕冷陣雲無雁過弓彎邊月失狐嘯  
天涯各自馳驅易未得新題九日糕

出關旌旆拂虹霓何處天南又鼓鼙未許吐蕃屯隴右  
敢言裴度到淮西千峯行色秦雲重萬竈炊煙蜀棧低  
公是臨邊王相國勸農歸及看春犁

奉

命赴蜀和周肖濂見贈原韻

質成虞芮未歸田疆吏籌邊案尚懸

天語乍從行殿下臣心已到役車前龍沙鞭影行梯度  
鳥道鈴聲雪嶺傳寄語全家休望遠好藏春酒待開筵

諭旨令於川督述  
職後卽交卸回京

官轍居然歷九州巢痕兩度錦官留遠攜淞水垂綸客

謂肖重訪蘧廬老圃秋幕府高才推杜甫碑陰隱語問

楊修一官仍作依人計聞說犂牛徼外遊

姚一如司馬  
時隨鄂制軍

藏赴

翹首停雲燕羽差勸君勿藥尚嫌遲兩人境遇榮枯共

卅載交情痛癢知省嗇休同罍恥後沈憂要想病絲時

偕行有客常相憶與訂夔州以後詩

時肖濂出示白華  
少空蜀中吟稿

投筆君真定遠班  
離亭爭禁淚痕斑

肖濂納姬之次一日即偕子行

宵佳約留金枕萬里羈愁怨  
玉顏笑我更番行折坂累

人辛苦話刀鏐輸他城北人  
僥倖竟日調螺畫遠山

徐郇

南侍御亦於前數日納姬

### 道中雜述六首

待舉入中樞餘年皆

帝賚生慚矍鑠翁齒暮敢言退  
劍閣旦青天蠻雲垂霍

蠲蛄竅紆鉤梯蟻行互負戴  
羽書正驛騷減裝策小隊

老馬能識途飛行猶歷塊  
摇摇旌懸心切切芒在背井

絡鬱蒼茫天彭光破碎子儀何如才  
乃以光弼代

涼秋八九月商飈起白榆首塗行萬里班馬何跼蹐秉鉞豈不貴覆餗乃爲虞方今

天子聖不忍輕征誅氏羌隸益部醉舞紅罽毼一朝背恩德敢作虎負嵎往者趙充國屯田成膏腴西南置都護論功封狼胥凶門一推轂螳臂良區區

秦棧高倚天蜀棧更天外巉巖上西南地肺互鉤帶繁霜凜輿儻紅樹蕩旌旆陟深孤綏綏穿雲鳥翺翺夷險無定形安心卽著蔡縣吏具供帳卻立望飛蓋強項今豈無祇候恐亦太一笑謝之去晚飯谿風大

張騫妄人耳鑿空來西極不如棄繻生上馬能殺賊虞

廷尚典謨次亦策羣力霜翮厲秋風狐兔盡誅殛稼穡  
豈不甘所賴去螟螣蠻鄉費招徠崖谷竄鬼域瘴毒所  
淫蒸其氣召姦慝軍門古節度小心矢嚴翼遐哉韋城  
武勇略震巴楚訶陵羌女輩繫頸色如墨精卒三千人  
百戰無不克贊普爲結纓籠官來侍側當其死方鎮蕃  
漢盡緣墨俯仰身世間何以稱述職

蒼鷹一搏擊毛血填平蕪酷吏一深文黔首供刑驅張  
湯起刀筆煨獄如洪爐何以酷吏傳不與禹等俱班史  
固有體無乃因公孤就中十一人半雜廉與汚公勇又  
敢諫卓哉一郅都雁門卻邊寇豈獨治若盧古今一異

致貪有酷則無成憲本忠厚邊徼尤所需武健而束濕  
簡約而破觚兩者慎所擇毋使疲追呼因之告郡縣執  
訊當非誣

古賢與婦人類不諱貨殖結駟聘諸侯築臺炫強國窮  
冬得蓋藏萬物乃休息岷山有跋鴟至老無飢色沃野  
幾千里魚鹽富蠶織轉粟輸倉庾丁男不役力休養貴  
循良民侈使之嗇方茲戎馬間得毋廢田湫努力籌儲  
胥坐看妖燄熄

宿村舍

茆屋隔林密數家成一村歸鴉聚楓葉饑馬嚙榆根新

月忽掛壁踈星還照門夜深愁不寐絕域計營屯

新都疾作

帝命征不廷么膺笑豕突糗糧與芻蕘一一待籌筆  
宵衣頻問旦臣敢顧家室一從出國門晝夜不遑卹兼  
旬五千里馬上送日月咫尺芙蓉城郵程待明發豈知  
積勞久伏枕氣忽逆眩或似輪轉痛幾同指鬲堠吏止  
我行暫卧更煩鬱計日當西征殄此邯鄲蝨萬里夢魂  
勞重關易飛越醫言血氣衰恐致腹心疾導我服藥餌  
勸我避風日欲速昔有戒引古義相律聞之殊不欣任  
重敢圖逸據鞍彼何人暮年氣鬱勃一笑謝堠吏明當

帶星出

入川途次遇岱都統自新疆歸

餓鴟噉空夜猿泣棧路盤雲曠騎入十年不見飛將軍  
將軍橫刀馬前揖相逢執手各勞苦將軍還朝我行部  
姓名舊隸羽林郎亭障初開都護府水寒石瘦風吹衣  
輪蹄獨漉徒御車爲言節鎮要養重輕裝減從如公稀  
我聞此語三太息起家寒畯歸綸扉采薇治外古有訓  
雞廉尚恐來叢譏藏江之西接青海萬里橫行有君在  
伏羌校尉豈其人坐使九夷貢方賄獨不見漢家多少  
追風驥李廣能將三百騎又不見裴行儉作大安西突



厥康居都慕義揮鞭去去橫門道五十頭顱猶未老

奉

命駐打箭爐籌辦徵調事宜

莽莽山樓接大荒桓桓士氣盡飛揚三邊鼓角鳴青海

九姓弓刀耀赤岡

時奉命檄各土司屯番赴藏協剿赤喇岡在裏塘

將選龍城

經百戰令嚴虎旅趣宵裝臣頗老矣空遺矢馬革酬

恩願未償

士毅自請出師未蒙俞允

烟蠻雨瘴掩朝曛草寨風村訪舊聞

白草風村二寨名國初曾梗化

納款先憑工土婦

土婦工喀係明正司蛇蜡吒

賽祠爭

拜郭將軍

相傳武侯征孟獲命將郭達在沙哇

船逢三

地方設爐造箭故名打箭爐有祠焉

渡難論價自爐出口由上中二渡過裏塘至鼓易于牛

倘策勲番民重諸葛銅鼓以牛莫向碓房悲白骨勝他

烏雀啄紛紛番人親死或委山溝或用土覆於所居

難牙逞瓦當軍持番地號數珠為逞瓦率以堪布喇嘛

者朱巴共一師釋道俱奉胡圖玉斧畫疆成誕語大渡

爐西寶山空手笑癡兒明正土司後山樹以竹柵云有

也佈茄鬧比孟蘭會爐地崇佛鏡鼓之聲塞了髻權侔

市舶司爐城女子年十五以上即受催于茶客名曰斜

日柳楊風力緊薄人多向竹關馳爐城冬日朔風最厲

城東爐人呼番民為

繩橋難敵索橋雄

二橋在雅安縣為赴爐必經之所

上八休嗤下八窮

上八義下八義俱土百戶地並貧瘠

舊俗尚思沿鼠集

蠻地稱集場為鼠街

華風漸

已到烏籠

南路土司風氣稍淳

丹砂湯暖饒爐北

爐城饒湯泉城北尤多

白

雪峰高阻額東

山名多積雪

佇聽托湫蠻語好

托湫蠻言剿賊得勝也

偏師早報過多工

地名屬西藏時元戎兵赴江孜

萬里橋是武侯送鄧芝使吳處

衰草何離離殘柳何蕭蕭離亭日暮暗無色云是當年

送別之長橋橋上行人橋下水一片狂濤呼不起峨眉

遠接秣陵秋萬里之行始於此送君萬里去萬里還歸

來三番奉使兩家合伯苗德艷皆英才吳蜀併力計良

得中原六州黯無色可惜當時乏將材典午三馬兒郎  
并三國吾行此橋經幾時昔也采風今視師此去衛藏  
更幾里前驅已卓和門旗雙流浩浩平於掌人馬安便  
氣蕭爽丹達山高雪暗天江流東下吾西上

臨邛懷古

曠代才華自不羣鄒枚一輩任紛紜瀟瀟酒市秋深雨  
落落琴臺日暮雲尚有遺書酬武帝何嫌佚事記文君  
眼前邛笮斯榆路曾建西南萬里勲

文君井

酒舍今何在銀牀舊井深遠山窺黛影止水入琴心釵

墮盤龍怨絲牽玉虎沈無端感魚尾惆悵白頭吟

### 大渡

衆峰趨越嶠遠勢連牂牁非惟限華夷直欲遮羲娥羲  
娥不可遮冉駝爭投戈軍興下邛雅曉夜馳明馳天河  
忽傾瀉百里聞驚渦繩橋駕宛虹浮艇剝靈鼉濡尾狐  
遲疑沒脰蛭負馱一軍詎蟲沙兩甄爲鸛鵝亂流何戢  
戢先濟爭番番此水出生羌遠自當州過隋戍無故壘  
唐縣惟殘莎真人夾馬營玉斧畫此河王者示無外此  
意無乃頗當年講武池豈異昆明波後來割地議作俑  
竟如何

國家大威德九寓方休和甫嵐諾在外拓地日以多狡  
焉乃思逞譬則燈投蛾羈縻信良法天討理則那湯湯  
大渡水滿耳聞饒訶

萬工坡是明藍玉征雲南所開道

滇池非遙蜀道易誰刻青山作平地桓桓上將涼國公  
鑿道南征此通騎將軍百戰蜚英聲號令不數常開平  
大軍辰沅已直上別從間道通奇兵萬工鑿石山爲赭  
一線度人兼度馬想見懸軍深入時真覺將軍自天下  
軍鋒所向皆成功功臣自古難圖終如將軍者尤可惜  
姓名長並胡惟庸將軍功業先平蜀古驛吾曾過綿竹

尚有當年舊戰場年年春草埋遺鏃

夜渡平羌江

蕭條絕壁片雲留玉蘂梅花下隴頭今夜平羌江上過  
依然山月半輪秋

七縱河

掃穴鋒原銳籌邊慮更深南人先破膽上將祇攻心壘  
壁風雲合郵程雨雪深西師戴功未攬轡爲沈吟

二十四盤

卽筇笻山

昨經邛水渡今循笻山麓笻山盤如龍一盤龍一曲馬  
蹄響空磳人面落飛瀑嵐翠撲衣袂攬轡手可掬慣從

折坂過時與石壁觸峽雲開堂皇窈窕見深谷危巢起  
驚禽峭崖奔駭鹿行行繞羊腸漸漸入牛角絕處忽有  
路開朗豁心目徑路迷東西氣候異寒燠叩竹懸高崖  
密影蔽天綠時有兜羅雲飛向枝上宿

清谿道中遇風

朝自榮經行暮至清溪宿屯雲倒夕陽溪色湛然綠長  
風從西來大聲振林木噴湧錢江潮奔騰石梁瀑又疑  
百萬師軍聲應山谷頃刻變晝夜嘘吸易寒燠人如鷁  
退飛馬作蝟毛縮飈輪戛播竿飛沙填矢箠噫氣蕩天  
地餘勢尚發屋居人經習見日入輒匿伏竺國多風灾



西來此其族餘聲尚獵獵繁星出叢竹

聞巴圖魯侍衛由青海入藏

宿衛銀刀隊前鋒曳落河

廟堂宣撫易部落受降多契箭通青海飛書下白波羽  
林諸壯士昨夜雪山過

禿髮留餘孽還勞虎旅屯冰棱欺馬骨番鬼泣刀痕轉  
戰烏斯藏連營土谷渾跳梁何自苦釜底尚游魂

檄諸土司屯番赴藏協勦

翦惡出天心諸番都効順蠹爾潢池兵何能合餘燼滅  
之湯沃雪馘之鷹捕颯坐待京觀築俄頃軍鼓疊土司

信忠誠無煩淬鋒刃同仇憤所切驅策亦豈吝蠻丁鐵  
爲衣蠻女花掠鬚烏烏蘆笙吹逢逢銅鼓震村落椎黃  
牛感激何奮迅勉旃斬樓蘭行將諸部徇

得鄂大司馬軍營書却寄

徵調租庸媿不勝蠟九重疊下巴陵黑人竄竊誅應亟  
黃教莊嚴見未曾甥舅碑空牛礪角喇嘛寺古鬼吹燈  
遙知沙度繩行處風雪懸崖匹馬登

飛越嶺大霧

昨過大相嶺嵐氣濕衣帶少選日洗瀼霏霏散塵塏羊  
腸雖仄眼界寬失喜舉頭望天外茲來飛越景更奇咫

尺不見山屢屨太華或遭巨靈擘黃屋疑有愚公移千  
峰萬峰盡霏霧人行霧中不知路九天撒下兜羅綿包  
裹青山入烟去徒御岌岌藩觸抵高下何處緣鉤梯已  
判此身落雲海忽教逆耳聞天雞東眄雲將西盼井絡  
四顧蒼茫不辨巖壑馬蹄踏石如踏空白日青冥失虛  
廓赤松子雲中君倘騎白鶴來相迎願攀六銖隨風行  
否或道旁嬾殘有窟宅煨火分我山芋羹峰迴徑轉已  
千折聞說前山更巖嶮飛廉長風掃不開萬壑頑雲更  
釀雪

鐵索橋

渴虹飲深澗歛被電光掣蛟骨燒不死橫曳百丈鐵道  
豈由人通險乃信天設河流界西南華夷此局鏑陽侯  
鼓洪爐綫路鑄斗絕長綆挽五丁飛渡誰能截征馬不  
敢前僕夫各嗚咽下有戰死魂波濤所吞啗聯臂走蚺  
蟒撒手墮飄瞥饑蛟昂其首不足供饕餮我才媿王尊  
叱馭此九折生乃猿猱愁死乃魚鼈悅

頭道水道中瀑布甚奇

兩崖夾立森屢屨古篆繡壁苔花肥何年鬼斧破石骨  
白龍飛出鱗之而宛虹飲澗首下垂匹練下界青山陞  
邊風忽起古潭黑馬頭倒捲秋濤飛明珠萬斛濺白雨

水花拂面寒生肌石梁龍湫昔未見黃華石門皆絕奇  
豈圖邊方忽有此淙淙餘響鏗金絲奇觀本不域中外  
乃知天地原無私簡書鄭重心迫促漸看暮色來崦嵫  
銀河落天兵待洗搖鞭還誦李杜詩

楊柳鋪作塞外柳枝詞

瘴烟邊月總難堪馬上征人路未諳忽聽一聲楊柳鋪  
一時回首望江南

銅琶鐵撥浚潛潛景覈風光度漢關解作兩行如意舞  
白蘭諸部射生還

黃沙漠漠草蕭蕭殘柳枯椿久寂寥一自金城公主過

舞條多學內人腰

琉璃橋下水滌洄木鹿寺前燈市開十五蠻童十三女  
柳陰飛騎奪標回

耳上蟬璫額上黃東波裙褶鬱金香誰家一箭穿楊葉  
知是賢王到獵場

東風料峭析春醒上將初開細柳營教唱夜烏啼一曲  
邏娑城外又清明

河湟西入大荒流二月穹廬已作秋殘月曉風一聲笛  
有人今夜坐碣樓

郎行直到賀蘭山妾如刀上雙銅鑲刀頭可折鑲不斷

楊花滿天郎未還

武侯祠

末運推王佐如公未易量當年經戡定此地有祠堂勢  
已三分建才因八陣彰纔能奠巴蜀旋見失荆襄白帝  
孤親託黃初敵正強方圖宅華夏先遣靖邊疆蠡爾牂  
牁守兼之越雋王陰謀倚蛩駝小醜肆驅狼抱膝籌原  
早攻心法最良五谿空豕突七縱敢鴟張瀘水波濤險  
斯都道路長縣初通定笮江亦號平羌鋒已南征熄威  
因北伐揚關山流馬走雷雨卧龍翔漸奏中興績方期  
季漢昌大星宵隕石火并夜生涼樵採禁平麓春秋拜

沔陽餘恩周益部遺愛被蠻方忠孝悲綿竹謳歌比召  
棠箭爐今仡仡銅鼓尚喤喤史氏搜文集遺民話武鄉  
沈吟千尺柏荒落百株桑故里曾經訪新宮迴在望錦  
官城外樹迴首更蒼蒼

銅鼓

江迴邛水接天流隕摘無聲鎮上遊自昔旌旗屯虎旅  
至今桴鼓尚龍頭漢家鐃吹歌朱鷺越道儲胥走木牛  
却笑長安魏明帝銅人鑄錯霸城秋

銅弩

羌水西流此挽戈渡瀘曾記負蘭過銅花喋血三城戍



鐵騎擒王七縱河箭室殘翎蠻鳥盡弩臺遺字卯金多  
定戎靖塞威名在韋帶佉苴爾奈何

郭將軍廟

樓桑羽葆真人九侯七傑誰敢瞋蠻夷君長盡稽首  
膺圖受籙王洮岷獠亭一戰王氣息至今野火吹青燐  
丞相誓師將北伐先渡瀘水如雲屯七擒七縱曲蓋下  
久矣談笑無黃巾平蠻之功伯岐最史竈簡陋遺將軍  
將軍造箭箭有神眼看蟻蟲成車輪藏江爲爐日爲炭  
鼓鑄羣蠻爲編民射人射馬先射魄肉飛如雨骸如薪  
餘威千載尚血食捫酒亦有雞與豚贊府低頭主簿拜

蠻姬跳舞吹青唇時平隴上見耕鋤鐵花繡出章武春

除夕送惠瑤圃制軍赴藏叅贊軍務

朝正節近印牀懸諸將高歌出塞篇祇爲

九重亟西顧出關不待敲春筵

戛鳩威虎舊彎弓

戛鳩江名威虎獨木船也  
指乙丑年同征緬甸事

絳節新移

大小東一卷龍韜曾共讀眼看談笑靖西戎

禡牙西指陣雲屯萬里烏斯枕玉門

西藏與青海接壤

不是江

風兼嶺雪那知篋裏

賜衣溫

劍外嚴韋新記績軍中韓范舊知名岷江水接天河水

倒捲春濤洗甲兵

聞奎將軍林奉

命赴藏參贊軍務詩以迎之

黎阪遙傳叱馭聲征西宿將舊知名  
羌奴莫更誇螳臂多少鯨鯢赤手平

舵樓醺酒祝風旗安穩鉞程萬里歸

君自臺灣內渡來蜀

幾次圖

形上麟閣

君圖形紫光閣

又從海外建生祠

前此臺灣奏凱奉詔建功臣生祠

君與焉

鼓角千山又萬山馬前鐃吹佇平蠻  
試燈風裏春如繡

同話銀花禁籞班

計程元夕君當至爐城

腰弓帕首憶滇陬

乙丑年同從征緬甸

金齒山川溯舊遊我有壯

心酬未得每因西望看吳鉤

屢請出師未蒙恩許

### 湯泉

不數華清水言從小拂廬洗兵猶有待暖老竟何如小  
駐還塵土遡征爲簡書爐城一回首鳴珰響清渠

### 魚通出口遇雨宿折多

駕言始首塗風日頗修嫿叢叢庶草繁密密烟樹互策  
馬深林中略約橫野渡涌烟方西屯飛雨忽東注雷電  
下深黑四山驚欲仆馬行不得前舉足盡沮洳慰農資  
甘霖洗兵仗靈澍甘苦同士卒肯教張蓋護簡書况在

塗折坂頻叱馭止宿已二更行旌夜中駐明星出天漢  
薄雲照擘絮挾纊拊難周木枕時警寤載詠東山詩更  
問西天路

過破碣行亂石中

一路懸崖塞馬首滿川碎石欲西走昨宵雨大水沒石  
石縫時時露星斗馬蹏踏石誤踏星倒影忽散青天青  
濁泥橫濺作飛雨遠處尚作波濤聲峰頭棲鷲忽驚起  
行過破碣剩殘址殘星欲落天未明帶水拖泥三十里  
自提茹至阿釀壩道中書所見

繩阡界東田罅陌盈西疇天心憫農飭溝水中分流

山左藥苗香山右林木茂如何尺寸間物性不相就  
蓬葆如人長膏腴沒荒草何不勸春耕屯田此間好  
長鞭鞭鐵驪瘦骨黯無色寄語牧馬人養馬惜馬力

過東俄洛已六月矣積雪彌望是日遇雷雨

西行日月不到此六月羊裘自今始上有萬古不消之  
積雪下有萬里荷戈之壯士北風吹馬馬骨僵層冰裂  
山山骨死雪中時見睢睢盱盱之蠻奴仰視頭鵝落飛  
矢平時聽說戈壁哥不信以目信以耳近來絕域歎奇  
絕變幻金銀作山市炎官火繖不敢撐下有元冥玉龍  
子僕夫駮豚我亦愁馬上飛書欲墮指猱啼猿嘯怖畏

生雨驟風馳甲仗駛忽然路轉聞驚雷掣電光中一峯  
峙電紅雪皜兩迴盪照耀刀光白齒齒須臾雨過斜日  
橫萬竈貔貅寒似水

僕人以道險難行私有怨詞口號示之

百丈懸竿井掛瓶底因足繭悵伶仃崎嶇厯盡康莊見  
此理年來已慣經

道旁野燒沿及數里古松萬樹皆摧爲薪感賦  
馬蹄高下劫灰重僵立深憐萬樹松禍始熨僮遺爨火  
青人夜夜泣諸峯

途次盼軍營捷音

每遇鈴聲問凱歌呼庚消息阻關河

距軍營萬里飛挽甚艱

平坡

水漫歸漕緩陰嶺雲重帶雨多焚穴定應擒虎豹截流

生怕走蛟鼉還聞裹革皆名將

時聞副都統台斐英阿侍衛墨爾根等陣亡之

信皆裂西風願枕戈

### 自東俄洛至卧龍石得詩八首

不斷淙淙碧玉流遙山如黛雨初收出關大有銷魂地  
紅柳飛花撲馬頭

燕支春色隔斜曛高寺鐘聲日暮雲一轉一窮開一境  
青山幅幅李將軍

五月披裘東急裝蠻鄉風景麥秋涼黃雲如海消殘雪



笳鼓歸來餅餌香

瓦切

寨名

平岡路倭遲沿山樓閣壓硎危喜他康把

屋名

苔

花滿不插雙竿嗎密旗

梯田耕罷去梯房疾比都盧驚鳥翔不奈老夫筋力緩

也從初地上初枕

番人好樓居梯木上下官府往來皆寓焉

婆娑雙眼老猶明到處青山送客行他日歸來忘不得

卧龍石上看雲生

負戴軍儲萬里馳衙官催點角頻吹

時催背夫二千押送出口

馬前

卽是蟲沙路寄語長途好護持

火急軍符媿補苴千山飛輓更何如

王恩先與歸期早七字詩成涕淚餘  
諭旨令士毅俟紅旗一過卽回爐城

### 河口阻水

一雨竟連日河流漲幾灣風聲還劈岸水勢欲浮山萬馬驅難過扁舟渡亦艱羨他雙白鷺接翅復飛還

積雨連旬山水驟發自河口至麻蓋冲決幾不得路賦此紀事

飛泉瀾瀾石齒齒十日橈行泥沒趾千巖萬壑風雨來九天倒捲銀河水蹄涔處處成龍湫馬牛漂蕩如浮鷗行人屏足水聲裏溼雲長羃青山頭山頭雲開雨初住

長風吹合復如注危磯激水水不流一決平原各爭路  
是時飛輓催軍糧儲胥百萬連馱綱軍行禦水若禦敵  
預占勝勢屯高岡和門羽書知孔棘積水深深消不得  
別開間道利轉輸萬夫鑿山各努力漸從山足通山腰  
雨勢不與山爭高我行已出雷電上俯聽絕澗馳奔濤  
出險安然  
國威仗帶水拖泥非一狀寒氣侵肌恤役徒夜起撫巡  
慚挾纊

雅龍江浮橋

雅龍發源自青海奔流日夜東南行長江萬里此分派

蜀道橫截峨岷經峭寒一夜凍連底鍊篙無力皮船停  
造舟爲梁古有制誰使貫索驅羣鯨倒走銀山作平地  
長虹水面橫庚庚其下蛟宮穴深黑頭角弭伏不敢爭  
我從千騎東方來甲光照耀銀稜明四面見冰不見水  
馬蹄蹴作冰稜聲黃河水橋吾未見祇此已足心魂驚  
此江上下亘三渡上接銀漢窺天彭冷龍造冰等驅石  
定知萬頃瓊田平大兵已過甲錯白親縛當戶揮元纓  
梅花羌笛奏凱樂歸期應及春風生玉關楊柳江上碧  
冰開依舊雲帆征

夏秋仍以舟渡

### 駐裏塘

山多平地少棧路無端倪不知巖壑高但覺星辰低羣  
峰勢岌岌盛夏風淒淒回頭望鄉邑側耳聆鼓鼙烽火  
煉龜龜頑鐵消輪蹄此地去已蜀漸與崑崙齊南斗欲  
轉北落日不在西裏塘忽平行綠野容耕犁激激瀨水  
清滑滑林禽啼移營近籬落午飯聞村雞征程得小駐  
驚定神栖栖前軍方轉戰劍血膏鷓鴣

二郎灣道中度雪嶺數層

偈偈側側俯復仰蕭蕭瑟瑟悽以愴車箱一道到何處  
對面不知有青嶂山中飛雪不飛雨雪下蠻江卽春漲  
山中生石不生樹石色攬天如卷浪有時青天影落谿

水底亂石磊砢宛然星辰倒嵌青天上我行直到飛鳥  
背性命轉輕神轉王獨不見海西釜底有游魂髑髏如  
山屹相向

松林口

其上橫巴山其下有海子中紆綫道通越舊千古行人  
不到此惟有枯樹瘦於石槎枒僵立有似猓獠奇鬼磨  
其齒春風之所不能生秋風之所不能死朝行不復見  
鳥雀暮行不復見村市射生昨日都尉過絕壁分明著  
枉矢十里至下溝水聲清冷激宮徵詰朝又遶雪山行  
烽燧紅燒玉虬尾

大雪山

問汝雪山高但見馬蹄下踏星辰色問汝雪山白但見  
沙上行人人影黑明朝欲踏層城冰隔夜寒光已相逼  
翻疑鴻蒙世界本如此又疑火繖炎宮不奉職坡陀牢  
落不知幾千仞人盡攀崖馬銜勒馬骨不如山骨高以  
雪餵馬馬無力鐵衣裹綿如裹雪魂魄都爲雪所蝕嚴  
寒中人渾似著我頭痛身熱國望中煙火是巴塘又向  
山南轉山北

巴塘

野宿畏虎狼水宿畏蛟鼉移營負戴肩相摩忽然出險

得平曠清泉碧澗風氣和罌田一一雁排齒居民戢戢  
蜂攢窠伊蘭花香辮髮綠時見番婦旄牛馱肥鄉自與  
狹鄉別夕陽隴上春犁多古人富教不相後要使民氣  
無坎坷帶牛佩犢亦何意屯田充國今如何

百一山房詩集卷九



百一山房詩集卷十目錄

石板溝道中

自牛古登舟行四十里至竹巴籠

醉馬草

雨中渡金沙江

寧靜山是西藏分界處

偕周中翰肖濂騎行六十里

抵察木多接福大將軍兩夜破賊捷音

昌都小駐畧憶途次涉歷

酬昌都呼圖克圖

并序

五更自昌都赴西藏作

登奎星閣

食魚邀方雪肖濂同作

瓦合山

望竿

賽瓦合山

丹達山神祠

并序

雪城行

途中詩稿爲肖濂舍人遺失丹達山戲成一律

次日知肖濂倚聲一冊與拙稿同失去再成一首

索肖濂和

九月八日浪金溝驛

大窩驛

阿南多道中

自甲貢東行十里長松千萬株掩映山谷其下清流繞之非復塵境紀以一絕

九日多洞道中大雪夜半抵驛

冰海行

并序

阿咱山下海子歌

常多道中居人以樹皮爲屋

常多塘夜雨宿蠻民黑帳房

自江達至順達循河行六十里

月夜行鹿馬嶺道中

月夜乘皮船渡烏蘇江

墨竹上卡道中

途次奉實授大學士之

命紀

恩四首

藏江以皮船濟渡戲成四言四章

拉木塞箭頭寺小憩寺門陳兵器及猛獸像蓋紅

教也

德慶禪寺古松一株高三十丈圍數抱不知何代物

神堤行

并序

札什城

贈大將軍敬齋相國

游卡契園

惠瑤圃制軍招游龍王堂

大將軍敬齋相國招同希齋司馬瑤圃制軍讌集  
西招送春和希齋司空

瑤圃制軍招同嘉勇將軍希齋司空游沙綠園亭  
卽事

瑤圃制軍寓齋緋桃盛開卽次原韻

希齋司空寓齋小集

木輓寺

瑤圃制軍寓齋同大將軍敬齋相國希齋司空公  
讌卽席四首

西藏士人恭格班珠爾能詩同人偶游達賴喇嘛  
園池遇之命之賦詩頗成篇什因爲和之

恭君讀和作又呈一絕云功業文章並絕奇前身

應是戒禪師龍華會上因緣在乞與重題一首詩  
余感其意依韻答之

琉璃橋

別蚌寺

經園小憩同人偶談內典作此示之

以狐裘寄荔裳媵之以詩

小詔寺

桑鳶寺口占偈語

宗角

送大將軍敬齋相國還朝

白雕

藏繭

百一山房詩集卷十目錄



百一山房詩集卷十

仁和 孫士毅 註

石板溝道中

一石一高峰一峯一天地試刻青山平何止萬里計荒  
忽而杳冥精靈日游戲誰鑿混沌開羣蠻洩幽祕我  
東覺山險絕乃罕譬礪砢骨專車迴翔肉生翅洶洶若  
鯨翻矯矯乃鷹鷲一箭陰竇通萬斧鬼工避尖或聳馬  
耳銳或卷象鼻其上卽青天其下乃幽隧路窄不容趾  
崖高欲掉臂信命生勇決積勞成畏忌或云漢貳師迷  
道畧足比或云耿都尉刺水出天意翳吾豈獨賢况茲

腹心寄行看日月山功成勒銘誌

自牛古登舟行四十里至竹巴籠

征騎柳邊停溪聲似建瓴中流思擊楫問渡快揚舲水  
上鷺雙白雨餘天四青棹歌非囉噴蠻語不堪聽  
巖腰纔半露尚帶漲痕斑倚枕獨聽水沿溪飽看山秋  
風青海道夜月黃河灣絕域生平志無因問玉關

醉馬草

西行不到酒泉郡此地那有糟邱臺東風吹馬馬無力  
一痕芳草濃於醅眼前棧豆不足戀中野躑躅鳴聲哀  
鋪糟啜醢亦何好坐使神駿成駑駘獨不見蒲桃苜蓿

幾萬里騰驤天馬從西來

雨中渡金沙江

郵程誌雙堠已過竹巴籠江流漾金沙丹竈化陰汞片  
雲從西來雨勢不旋踵銀竹萬條直明珠滿江涌中流  
起盤渦應有沙脊壅軍行有程期未敢託持重生平仗  
忠信肯爲波濤恐冒雨登皮船逕渡豈云勇羣馬銜尾  
過或者渥洼種迴視含雨雲猶傍遠巖涌

寧靜山是西藏分界處

不斷天山蛻骨蛇却從隻堠問龍沙何須苦說華嚴界  
中外於今久一家

借周中翰肖濂騎行六十里

聯騎西馳雨氣昏據鞍心事老猶存  
金城我尚圖方畧玉壘君能記列屯  
過嶺風尖雲壁絮穿沙溜急漲添痕  
歸鴉漸急鐘聲起新月隨人到寺門

抵察木多接福大將軍雨夜破賊捷音

嶺壓雙橋黛影浮川填大道接遐陬  
千門入夜金笳靜萬馬無聲玉帳秋  
運策我慚籌筆驛中權頻達寄書郵  
星飛露布紅旗捷上將親行破蔡州

昌都小駐畧憶途次涉厯

關塞儼若江河遊遐荒風景難雕鏤  
鳥聲忽斷上下樹

澗水時作東西流幸有牛宮具脫粟每逢雁戶皆披裘  
鋒車指日獻俘馘未得借箸參前籌

酬昌都呼圖克圖 并序

昌都呼圖克圖土民稱爲帕帕佛覃研經旨數十年不  
下山貴客往謁不報也聞予之西藏設伊蒲饌於四十  
里外和南送別異之而作此詩

遠公不出山終歲同雞棲偶因送淵明不覺過虎溪帕  
翁將毋同紫衲迎霜蹄捉臂追爾笑癯面儼凍梨爲余  
設短榻爲余搗香齋向余前致詞努力西招西遠人懾  
皇威行將息征輦歸來聽粥鼓寺門手重攜言已灑然

別元旨深端倪回視白雲合依舊禪關迷我心感且悟  
如登初桃梯三生石上緣此理或可稽

五更自昌都赴西藏作

鐘響度遙岑衝泥宿霧深山程皆傍水晴日總如陰怯  
渡憐郵騎低飛狎渚禽

塞外少飛禽是日始見白鷺

勞民須佚道誰

是邑中黔

途次見運送軍儲簽夫過多故云

登奎星閣

傑閣平臨最上頭鐘魚聲定半江秋龍沙大有憑欄處  
三面青山四面樓

女牆缺處補茆亭足底依稀雉堞形兩水三樓兼五嶺

可無牋註補圖經

毳衣推結閱春冬，缺舌家家譯要重。忽聽書聲傳土銚，

也如空谷足音跂。

居人無識字者獨千夫長延師課子

吟倚浮闌兩腋輕，雲峯如畫卽蓬瀛。初平羊與金仙鹿，喚起山坳導我行。

鑑湖一曲請原狂，參佐三間願亦償。

此間及爐城俱無公解惟矮屋三間

足資餐息而已

盼到紅旗歸計穩，松楸乞展墓田荒。

還朝擬乞假省墓

食魚邀方雪肖濂同作

蒹葭秋風憶敝廬，此中可有故人書。老夫身手空閒却，不斬長鯨却釣魚。

柳陰新漲釣絲銜細雨濛濛溼袂衫不是更登

土人稱番僧之

名都却走那能成就老夫饒

喇嘛不食魚見卽起避

爐城風景此間同處處微波漾水蒸三十六鱗無覓處

枉教經歲住魚通

爐城無魚

臨平山下子規啼門外漁莊草色齊細雨扁舟最相憶

桃花三月永和溪

### 瓦合山

前山下甲貢後山上瓦合山徑蟠修蛇一轉一開闔層層初枕上面面圍屏匝堅冰滑成路馬蹄不敢蹋冰中出石稜鋒利穿革鞢山半寒潭深無風波溘溘倒影挂



絕壁雲霧自歎歎危巢鷗不棲何況鷄與鴿望竿矗土  
臺數不止一卅雪中仗標識仰若凌雲塔相沿禁發聲  
山靈怒嘈雜硬雨何處來動輒響如答我行盛徒旅人  
馬紛馭駮良久竟寂然俗論笑噂諧不然仗

天威魑魍避韎韐軍行重芻粟飛輓慎圭合小憩重點  
行平陂等懸榻山氣忽澄霽嵐翠一襟納小隊秋雁飛  
寒色上觥輶山坳白殘雪吾將淬劍臘

望竿

迷茫銀海一只且瓦合山前道孰除生笑郎當成鮑老  
本來仕宦是鮎魚別開銅柱蠻天外斜矗碣房夕照餘

畧約星辰三百六犀釘新得指南車

賽瓦合山

昨經瓦合山自曉直至晦跬步無坦夷可一不可再今  
從恩達來迎面一峯對山靈似迎客宛轉勢向內三入  
更三出九面復九背行行氣象變此地本沙塞邊風砭  
肌骨人馬同鷁退奇峰露巔屹彼險此更賽石枯不生  
雲雲亦不成態陽春走不到荒土聚積塊竟無寸草萌  
何況盛夢對一事差可喜不使馬足礙細沙如雨著  
我暗年鎧丹達殘雪明已見百里外

丹達山神祠

并序

丹達山在邊壩西六十里峯巒切雲冬夏皆雪爲西藏孔道山麓有神祠相傳康熙時雲南某參軍轉饒赴藏所過塞路無擾至此遇雪與徒御俱凍死雪中雪融猶抱饒僵立不仆屢著靈異番民感焉建祠以祀予以軍事于役過此輒謁祠下並增修殿宇立碑紀之

丹達山頭神鴉飛陰風颯颯飄靈旗竭來暑路滿霜雪森然毛髮將何依中有叢祠傍山麓神兮居歆蔭嘉穀磨刀霍霍剗黃羊番童擊鼓番婦哭問神姓氏地苦偏銘碣無處尋荒阡依稀轉饒來六詔其事傳自康熙年雪花如掌沒馬耳荒戍漫漫角聲死軍符火急敢少休

面裂足皸手墮指役夫餒欲搜雞豚蠻碣況有楮拙溫  
將軍令嚴壯士肅夜睡肯許驚花門蕪菁已竭乾堪匱  
掘地難逢旅禾瑞徒御淹淹似死灰將軍凜凜猶生氣  
層岡積縞愁雲低白日匿影山鬼懷人聲噤瘁馬聲絕  
此是將軍致命時將軍雖死骨如鐵魂繞千峯萬峰雪  
浮埃不上溫序鬚握爪還擎蘇武節祇今廟貌干雲霄  
我來三度澆松醪綽楔照耀爵里闕擬託巫陽賦大招

雪城行

秦鞭中斷長城缺連峰東走不肯折一綫橫截天山腰  
乃是陰厓古時雪塞外六月嚴寒生雪花夜與天山平

舊雪未消又今雪險處突兀當一城城頭高高城脚牢  
玉龍直上銀鱗搖輪蹄萬古走不息冰槽深碾成坑壕  
百里以外寒氣逼女牆對面森玉立倒嚙青天白齒齒  
凍雲不動死灰色君不見寒門銅柱高連天人馬凍殺  
北海邊又不見青海當年經百戰降番十萬開冰棧我  
行籌筆從東來役夫輓塚征人哀蠻奴鑿雪通行路策  
馬先驅入城去礪樓十丈高出城城中還有人家住

途中詩稿爲肖濂舍人遺失丹達山戲成一律  
蚓唱編排落葉堆感君藏拙委蒿萊集輪白傳留三部  
文惜劉郎付一坏絕似空囊逢暴客也同浩劫撥寒灰

自憐頻歲拈髭態博得山靈笑口開

次日知肖濂倚聲一冊與拙稿同失去再成一

首索肖濂和

驛路拈毫訂舊聞都難消受戒香熏處囊我媿蒹葭倚  
倒篋君憂玉石焚郢曲不須追敝帚豔詞久已重金帚  
由來此地無文字墮溷飄茵未必分

九月八日浪金溝驛

古戍角聲哀西風動地來霧埋山斷續水劃地紆迴暝  
色棲鴉樹良辰戲馬臺荒寒無菊把且倒竹根杯

大窩驛

行行得平曠兼饒嘉樹林崇岡冒殘雪細水通烟潏循  
坡入茆屋蠻酒聊酌斟占晷未晚晚繞檐羨歸禽駕車  
何刺促長途方滯淫去去復回首感茲山水音

阿南多道中

峽口小橋橫危磯喜漸平峰寒木亦瘦沙淨水逾清到  
處雲爲幄經年雪作城奇觀吾已足真不負斯行

自甲寅東行十里長松千萬株掩映山谷其下  
清流繞之非復塵境紀以一絕

萬壑千巖積翠重一層巖壑一層松畢宏韋偃今誰是  
乞與深山寫卧龍

九日多洞道中大雪夜半抵驛

馬前糝徧水晶鹽佳節匆匆敢暫淹一夜西風黃鞠瘦

幾番東道白髭添

擬赴宗喀濟隴催運軍儲稍副聖主委任今兩度東行仍回內地殊慙

然爐城轉饒初停檄

前藏運到軍儲足敷支用檄飭停止

雪嶺懸軍未解

嚴

廓苗畏罪乞降方在候旨遵行

想見

宵衣勞遠望深慙歸路數郵籤

鴻爪頻經路已諳棲鳥驚起乍停驂客程偏易逢重九

近年途次五逢九日

明月還教對影三

雪止見月昨歲伊蒲曾入饌去

年棧中事

今宵彌勒又同龕

是日慧通禪師自西藏以古佛哈達見寄望中粉堞

高寒甚都道丹峯雪正酣

距丹達山只數站



冰海行

并序

擦竹卡道中山凹有湖周圍數十里冬春凍如平地可  
通人馬往來予名之曰冰海

山凹平湖四十里直下黃泉凍連底寒冰如海海水深  
長風東來吹不起逕渡肯數黃河橋中流突兀冰柱高  
馬行不怕四蹄滑車輪齧齧成冰槽蛟宮不開且闕掩  
似參凌陰凝濂濂入間霜雪不覺寒世上風波詎稱險  
凍雲不散連愁烟泣此萬頃琉璃田白日下射作寒色  
倒影定亦成冰天我行海上弄殘月寒氣中人砭肌骨  
蛟龍僵卧過三春六月雷霆破冰出

無窮阿明山下海子歌

混沌何年鑿海眼山靈乞哀不得免一泓海水青接天  
閱盡桑田幾清淺昔聞三池龍所宮不乾不溢縣春冬  
其間劃分止下中龍之眷屬皆分封此水西來抱山趾  
一碧溶溶四十里璇源不許別派連要蓄清冷浴龍子  
土人相誠緩轡行長官過此亦噤聲不然晦明風雨作  
咫尺不見前驅旌或云其下最深廣孕育文犀高十丈  
仙人跨背時出游海立雲垂山震盪或云深處通蛟宮  
金堂貝闕輝瞳矐夜靜往往發光怪明珠的爍珊瑚紅  
我來昏旦無此異但見四圍落空翠揚舲思採石蛙還

投竿祇恐靈鼃避昨從阿耨探恒沙香南手拗青蓮花  
甫自藏江東還欲從織女乞機石貫月那得仙人槎作歌未竟  
已偃仰夢入洪濤狎象罔潮雞喔喔促嚴程海面無波  
月初上

常多道中居人以樹皮爲屋

山深人跡稀生不識陶瓦居民八九家土室聚荒野層  
層樹皮覆雜置椳與櫓不畏狂飈掀却宜急雨灑容膝  
得自然安身亦聊且婦子皆恬熙此中卽豐厦玉帳森  
波盧金殿炫蘭若何如屋數間無凍者暍者吾思漢陰  
叟蓋頭茅一把

常多塘夜雨宿蠻民黑帳房

冒雨渡江津  
千山夜色屯  
濤聲圍黑帳  
爨火雜青燐  
眼望流亡復

時蠻民因避兵遷徙

心馳捷報頻  
夢中還草檄  
敢脫虎

紋巾

自江達至順達循河行六十里

夜宿水聲中  
朝行水聲裏  
水聲從何來  
西流下如駛  
殘星共月沈  
曉烟作雲起  
水平漸無聲  
惟見波瀾瀾  
白石紛可數  
清流忽見底  
方思故人書  
時見一雙鯉  
瀕河路平坦  
頗足容方軌  
我行從東來  
遵陸亦循渚  
軍紀部位肅  
魚貫順迤邐  
健兒好身手  
一一魚支鞞  
河流歸藏江

計日達軍壘慷慨暮年心據鞍空拊髀臨水照塵顏頭  
顛已如此

月夜行鹿馬嶺道中

踏徧千峯萬峰雪夜行忽見林梢月月光照雪雪逾寒  
雪中見月月尤潔深林古木木葉稀蕭蕭慣學寒鴉飛  
飛鴉忽向馬前墮尚帶殘雪飄征衣十里五里行不已  
萬朵芙蓉生脚底出林明月能隨人滿地寒光如潑水  
連風振木馳奔濤驚鳥格格驚離巢北斗闌干西墮海  
舉頭惟見青天高青天高高月在頂四顧蒼茫欲無影  
凍雲冰裂凝不流人馬無聲惟一冷前軍諸將皆無雙

月中曾否羌兒降皮船泛月定奇絕來夕吾渡烏蘇江

月夜乘皮船渡烏蘇江

烏蘇江水從東來西流直下白楮河天山雪水迸春漲  
怒濤激湧生盤渦秦皇觀日不到此鞭笞那得驅龍鼉  
樓船下瀨遠難致并無水馬馳雕戈汝作舟楫革代木  
中流拋擲如飛壻我行萬里慣江海作鎮不仗神女螺  
西行乘此已再厯趺坐穩比安樂窩划空雙槳學魚翼  
便衝逆浪橫驚波今夕何夕月正望水底一鏡方新磨  
我舟狀亦類偃月半輪秋影光相摩微波不生印空碧  
顧影媿此黃髮皤擊楫所思效祖逖據鞍未許同廉頗

太白耿耿星掛樹岸旁髡柳搖鬢

墨竹上卡道中

萬里事長征關山方夜行凍星秋不落冷月夜還生地  
險長榆塞軍威細柳營祇應擒日逐早晚陣雲平

途次奉實授大學士之

命紀

恩四首

上將承

恩日微臣拜

命同

時與福大將軍同奉實授

恩旨宣麻傳玉塞枚卜溯珠宮兵洗

江波白旗翻木葉紅感深無以報送喜竭葵衷

時奉旨風聞

消息卽飛章入告

萬里馳丹詔

龍光湛露灑

恩參三獨坐慶協萬年觴

八月初七日頒發更五日卽

萬壽慶辰恩旨

未

撤將軍壘深慙宰相堂祇應躬韎韐戮力掃欃槍

奉

詔來西域馳驅甫一年

去年八月廿五日出都今於八月廿六日奉

恩旨名叨

韓范亞

時諭旨以福大將軍惠制軍暨臣士毅軍營出力寬免五年彙奏處分

班許杜房

連



中禁承三接封圻歷九遷

士毅蒙三任巡撫

恩三任藩司

捐糜

常在抱溝壑未應填

憶獻湖濱賦

士毅在授內閣中書

西湖通籍

行

鑾坡上馭娑棄瑕

恩獨重

簡在分尤過官合從今耐羹還未解和笥衣頻檢點感  
極涕痕多

藏江以皮船濟渡戲成四言四章

解驂江汜跼蹐待渡銜魚以飛不如白鷺  
剗木爲舟易之以革十笏三弓莫嫌跼蹐

公無渡河望洋而歎公竟渡河喜登彼岸  
乘輿濟人漆洧瀾瀾子皮爲政優於東里

拉木塞箭頭寺小憩寺門陳兵器及猛獸像蓋  
紅教也

舍衛應同旨分支忽異裝到門鐘乍吼登閣劍含鉞十  
八天魔舞僧皆娶妻生子三千弟子行寺僧甚衆爪牙空爾利護法

笑貪狼

德慶禪寺古松一株高三十丈圍數抱不知何

代物

龍鱗忘歲月霜雪老江村噲等知難伍公乎孰比尊皮

敝饒節目蓋偃蔭兒孫巢鶴歸何晚山僧鎖洞門

神堤行

并序

前藏舊有城郭康熙中定西將軍改築石堤內圍布達  
拉外遏恒河約三十里番民稱爲神堤每歲正月增修  
之

築神堤神堤何高高內衛布達蟬聯之佛寺外障恒河  
不絕之奔濤築神堤神堤何縣縣煮沙烝土牢且堅老  
僧指說康熙年平川隱起蒼龍脊巖巖龍鱗森白石神  
堤之築始何人桓桓將軍定西策將軍築堤不築城堤  
身高與城頭平築堤定比築城好天西萬里長偃兵神

堤有神神所使橫亘東西三十里年年正月修神堤仍  
從朗路山前起

札什城

皇威遠被萬方平絕域新開細柳營青海近連都護府  
玉關遙接受降城星移七萃勞諸將綦布三屯擁重兵  
從此天西長底定儘消金甲事春耕

贈大將軍敬齋相國

韋平門第五雲東萬里師行枕席中賜復勲名征九伯  
厯階班次冠三公金貂溢戶分調膳雛鳳承  
恩翺在桐從此輸誠環傑侏天西絕域水設弓

弱冠登壇衆所推牙旗西指上龍堆

西北二萬里皆官轍所經鸞書

拜爵經三錫

公五等之爵三度崇封

麟閣圖形第幾回赤舄欣聞

前席召黃扉深愧不才陪眼中多少驂騑隊皆受空羣

一顧來

遊卡契園

卡契西夷部落名

旅舍憺無豫策蹇訪平楚拂面風力柔晷影翳更吐蠻

女供樵蘇乃復曳雜組老柳卧道周似學折腰舞入門

儼祗洄鐘磬紛堂廡科頭尺布纏

纏頭番聚居于此

西域號大

賈積韞摩尼珠屋列胭脂虎

蠻女姿首畧妍即爲纏頭作妾

犬聲旣狔

狔炊煙亦縷縷似登華子岡恍遇陽人聚幽賞意未闌

灌園狎老圃

墻陰周植蔬  
菜頗饒野趣

惠瑤圃制軍招遊龍王堂

殊方物候異首夏尚御裘涼風自西來颯然疑深秋我  
友高興發招邀陟崇邱健馬頗調習安穩如乘舟陽厓  
引遠矚積素冠華旂山椒積雪未消溝水甫泱泱柳枝亦修修  
歡歌畚漁樵耕硯占瓜疇登樓枕屢折繞屋樹四周平  
楚馴象伏方塘閒鷗浮物性喜自然適與我目謀滌甌  
淪露薜布席羅嘉羞脫略到爾汝真率忘獻酬起行視  
法相莊嚴儼垂旒咄哉演揲法四壁騁不休得毋西來  
意深微不可求不然人道始圖此樹鵠戾一笑下樓去

煩喧辭禿鶩

大將軍敬齋相國招同希齋司馬瑤圃制軍讌  
集

牙旗玉帳夜譚兵上將筵開細柳營聞道秋宵親破敵  
邊人爭識李西平

當筵肯惜酒如澗放眼還登最上乘士馬無聲霜氣肅  
四圍玉帳萬紅燈

飛觴親爲勸金壘小戶難禁百罰杯帳下材官三百騎  
當筵齊看玉山頽

盡銷金甲事春農語爲籌邊不厭重尚恐

宵衣勞遠厯一時回首景陽鐘

西招送春和希齋司空

春事雖闌興未闌  
餞春回首五雲端  
偶因西域題襟集  
最憶東華側帽看  
賸有綠陰低翠幕  
更無紅雨灑雕鞍  
西招無花祇惠瑤圃  
寓中數株牡丹而已  
雪來柳往風人意  
挾纈三軍識范韓

瑤圃制軍招同嘉勇將軍希齋司空遊沙綠園  
亭卽事

山北山南信馬蹄  
麴塵風細柳陰低  
司空莫悵春歸早  
四月西招草未齊



轆轤高樓雁齒排譚經疑是雨花臺

樓三層上層僧爲僧誦經處憎他

風幔垂垂下不放經聲樹杪來

平沙隨處足行厨畫榼穿林路不紆更喜背嵒馱細馬

金尊閒煞酒家胡

瑤圃以內地黃酒餉客

週遭密蔭俯清湍潑刺千頭鏡裏看笑爾久依功德水

也貪香餌上筠竿

時垂釣得魚作羹甚美

餓鴟聲急電光馳曾向瓊林射柳枝練得刀環身手好

使君歸去未嫌遲

園中設棚較射希齋發必中的故借用晉書慕容翰事

薄雲韜日晝惜惜謝屐圍紗擁鼻吟比似東山遊較勝

不教絲竹亂鳴禽

林間畫眉聲甚清越

惠瑤圃寓齋緋桃盛開卽次原韻

粉勻雙靨醉痕鮮憶隔芳姿已二年異地更須青眼對  
名花不稱白髭憐春歸獨樹明妝裏香泥羣公酒琖前  
只恐江城苦幽獨散花來伴小乘禪

希齋司空寓齋小集

鐃吹聲中解帶圍龍韜暫許息戎機尊前誰解吹羌笛  
先唱還鄉挂錦衣

十隊明燈子夜長有人振觸感清商軍中醉擁青綾被

辜負春明七寶牀

聞瑤圃姬侍七  
人故戲及之

練裙唱徹漏沈沈酒醒香銷蠟淚深我意只宜歌白雪

惜無妙指解張琴

一彎邊月大招西墻角花驄顧影嘶門外白袍霜氣重  
莫教啼破汝南雞

木輓寺

幾重樓閣聳朱垣落日登臨氣象尊東去江流歸渤澥  
西來山勢接崑崙香燈法座春陰合鐘鼓虛堂暮色昏  
欲問佉盧左行字寺門西去有經園

瑤圃制軍寓齋同大將軍敬齋相國希齋司空  
公讌卽席四首

百末香醪乍啓封諸公鯨吸我魚噀

座間惟予爲小戶

可知小

史如初日故勸深杯到曉鐘

不用初枕登頓難四圍亭幔障宵寒

藏地公廨皆僦蠻寨緣梯上下惟制

軍行館爲地謀呼圖克圖園亭樹木葱鬱地勢夷坦

香南雪北開精舍祇有彌天

釋道安

戟門涼月白皚皚歸早應無玉漏催贏得兒童齊拍手

山公又醉習池回

一劍防身歷瘴鄉癰同開士漸休糧蓉城縱有花如錦

肯信真珠滿斛量

子誤以制軍四姬爲七故前詩有七寶牀句和章遂誣予在成都納姬用

相報復其實子生平從無羅綺之侍

西藏士人恭格班珠爾能詩同人偶遊達賴喇

嘛園池遇之命之賦詩頗成篇什因爲和之

黃金布地玉作階釋子談經此常住一池古水八功德  
百丈泉源發何處貝多葉大搖清陰日午不聞鐘磬音  
片時晏坐差可喜虛堂靜驗風幡起我來絕域今幾時  
重遊勝地應無期此間忽遇維摩詰雪北香南又一奇

附原作

龍王初造龍宮成忽然移入人間住琉璃四照映日  
華遍徹毫光明處處周圍海水清且深迦陵之鳥流  
好音遊人聞之大歡喜恍如仙樂凌風起而今春正  
到花時結果成陰定有期萬事有因皆有果衆生那

識化工奇

恭君讀和作又呈一絕云功業文章並絕奇前身應是戒禪師龍華會上因緣在乞與重題一首詩予感其意依韻畲之

萬里相逢事亦奇功成計日卽班師西天名士如君少古佛燈前乞我詩

琉璃橋

花雨隨波任溯洄藏江東下亦縈迴琉璃橋下琉璃水

曾爲將軍洗馬來

琉璃橋相傳尉遲敬德洗馬處當亦臻之訛也

別蚌寺

旃檀金色界纓絡鐵圍山紺殿三峯立紅樓四面環雨  
絲飄法乳雲葉聚華鬘獨有迦陵鳥香臺鎮日間  
祇園堪避暑林木亦佳哉貝葉因書落蓮花對鉢開呼  
圖卓錫住垂仲聽經來一縷消晴晝爐香小劫灰

經園小憩同人偶談內典作此示之

旃檀風定赤華房卍字光明最吉祥布地黃金應有願  
彌天花雨自生香聽來鹿女偕龍女悟後鸚王與雁王  
一卷華嚴誰點筆此中原有五文章

誰從覺路指紅藤我識三車最上乘南史舊傳僧寶誌  
北朝爭說佛圖澄諸天供養金銀樹大地光明日月燈

東坡詩集十  
三  
一笑當時謝靈運可憐成佛竟何曾

金粟摩尼語最華香臺高會說無遮傳來法界心心印  
數遍恒河粒粒沙八萬樓臺藏藕孔十千世界出蓮花  
如何早避修羅仗不向天門縛藥叉

莊列淵源信有之雕談妙辨更何疑佛中佛又分凡聖  
天外天還仗護持有水皆涵八功德此心無著一慈悲  
梵輪轉盡青鴛祕兩字因緣最可思

以狐裘寄荔裳媵之以詩

盾鼻飛書塞上秋哀笳吹凍藏江流劇憐躍馬橫戈客  
同是冰天雪窖愁棘道三軍都挾纈炎方五月尚披裘



圖僑畫札平生事縞紵何曾抵雉頭

小詔寺

大詔

音招

北去小詔迎金瓦流輝玉璫平不信西來飯淨

土却因東向望神京

小詔寺門東向因唐公主思帝鄉也

從姑又見稱甥

舅成佛當時有弟兄

寺中塑佛日珠多吉云卽覺釋迦摩尼之弟八齡成佛

駐馬

倍教增戀

闕寺門遙指日華生

桑鳶寺口占偈語

姻緣生法喜甲仗放修羅何如大自在無佛亦無魔

宗角

繁春賞卡契嘉蔭訪宗角入門儼深林萬樹綠成幄摩  
空蓋陰森拔地起騰蹕蒼皮裂虬鱗空腹張鬣殼橫揮  
壯士鞭植立將軍槩長見鬣雲護定有法雨濯池邊暗  
通潮石小峻成嶽時聞共命鳥隱隱和仙樂

送大將軍敬齋相國還朝

威鳳蹤如印爪鴻頻年長劍倚崆峒藏江西去公東上  
極目春旗柳岸風

士氣飛騰伐鼓撻羌兒馬首盡迎降早知生佛來天上

悔劫蓮花七寶幢

廓匪擾至札什倫布並剝取前輩班  
禪塔座自大將軍痛剿後畏罪乞降

輦還  
故物

籌邊事事獲親承借箸奇謀我未能却愧便蕃同拜

賜魏公膺服是王曾

香臺拾級一層層梵唄聲中衍大乘

達賴喇嘛聞太夫人病特設壇誦經

從此慈闈春更永神僧勤點佛前燈

請辭節鎮表初回

公奏辭兩廣總督

黃閣原資變理才祇恐南

人思借寇望公齊上尉陀臺

行裝稱妮過花朝丹達危峯雪漸消此去鳩駟應塞路

番民爭識霍嫖姚

盍簪正喜小延畱忍聽驪歌古渡頭襟抱一時同惘惘

謂希齋司馬

月明同上庾公樓

瑤圃制軍

祁連西隔萬重山邊吏爭迎上將還君上峨眉應回首  
有人還在玉門關

白雕

本色偏神俊飛騰不可當攬身星絕漢側翅劍含鉞暮  
合天山雪秋凝瀚海霜平蕪笑凡鳥空自抱文章

藏繭

拂蒜千花氎耽蘭九色氎南蠶絲喜儷西女織應能問  
俗留班布傳經憶碧繒年時長作貢併隸尚衣丞

百一山房詩集卷十